

38739
13

平定州志

建置
公廨
營制
壇廟
上城池
驛舖

第三冊



平定州志卷三

建置志

管子曰凡立國都非於高山之下必於廣川之上
吾謂此一時之言也設使高而無其下廣而無其
上將遂不可為國乎平定東互太行北接五臺上
下山坂方數百里然其城池未嘗不廣以深廡宇
未嘗不寬以宏學校祀事未嘗不嚴以明營壘屯
舍未嘗不威以武山川則因之是則然已蓋事有
昔勞而今逸抑有始興而終廢者不必其在大也

平定州志

建置 城池

唐人書驛壁以沼舟庭除堂廡不治為守土臯夫
一驛耳亦焉用是為至於生民之困財力之竭戶
口之破墾田之寡皆于是乎徵夫使州縣皆驛事
之能治者鮮矣視驛如州縣事之不理者抑又寡
矣此固管子八觀之一也

凡門六

城池 附關梁

公廡

壇廟 附寺觀

營制 附兵事

驛舖

學校 附書院 義學

城池 附關梁



州有上下城上城依山爲之僅二里許樂平亦同而池則無焉下城增廓於後而里則倍之古者城池以象地險所以示民有守也故詳其制而闕梁附焉

州

上城 漢韓信擊趙下井陘口駐兵於此築城爲寨以榆塞門因名榆關宋太平興國四年改廣陽爲平定縣徙治焉仍舊寨爲上城明成化二十二年知州吳彙修宏治七年知州吳賢增修白思明記嘉靖二十年知州周尚文重修城北爲嘉水經流歲久南侵萬曆二十一年知州宋沛築隄衛

國朝康熙十七年知州張施大重修三十二年水侵

平定州志

建置 城池

北城知州宗讓重修雍正八年知州安克寬重修乾隆三十年知州陶易奉文領

帑與下城同修詳見下城嗣因霖雨續多傾圮知州金明源詳請借項于五十二年復與下城同修舊志張佩芳曰史記韓信禽夏說闕與始議下趙索隱曰郡國志上黨沾縣有闕與聚按今樂平鄉沾嶺是在上城之西南五十里上艾古城在今甯艾正當沾嶺至井陘之道何不出此乃迂迴而北耶舊志實無所本至言韓信築栢井城理或有之蓋由樂平沾嶺東下路必由此至言信未至井陘口三十里而舍即其地則非別有考見故闕

下城 宋太平興國四年增築城中有河爲嘉水經流之衝大雨施行山水暴漲濱河者患之元

初總帥聶珪修城高一丈五尺厚九尺濬濠淺深有差明嘉靖二十年寇迫城下參政王儀督知州周尚文興修二十二年知州王齊落成李念記隆慶二年知州劉東魯崇正間知州卞爲麟皆重修

國朝乾隆三十年知州陶易奉文領
帑重修有記畧曰上城周二里三百四十八步下城

周六里三十八步乾隆三十年奉文重修經始于
是年八月落成于三十二年七月上城計四百三

十五丈為門二南曰迎薰東曰榆關門外有月城
北向下城計八百三十七丈亦為門二東曰拱岱

西曰瞻華兩城統計雉堞二千一百一十有四炮
臺角臺三十有四門各有樓惟北樓久圯新為增

置額曰望闕餘各仍舊又水門以宣洩時潦者二
各門增設卡房以司啟閉五十二年知州金明源

借項與上城同修改東水門為三以殺水患州紳
張四箴等經理修造咸豐元年知州錫麟補修西

城並瞻華門樓同治
三年樓燬於火

天衢閣 上城月城門上明宏治十三年知州吳賢
建名嚴更樓嘉靖六年知州蔡俸四十三

年知州孫九疇萬歷二十一年知州宋沛
國朝康熙五十三年知州何錫祿皆重修乾隆九年

平定州志

建置

城池

三

燬十一年知州方浩改建鐘樓榜曰陽春待澤三
十一年重修冀甯道梁國治題今名 梁國治詩

飛閣浮空接漢槎冠山濃翠挹晨霞關河榆柳逢
三月煙火樓臺見萬家幾度巖城籌保障一從賢

守話柔麻蓬瀛天際塵難到氣象人寰路未賒陶
易詩凌雲傑閣聳巖城好句留題似瓊瑤最喜人

遊衢路穩夜深隱隱度鐘聲又天衢閣記見藝文
閣下峻坂修長道光二十四年潦水暴冲坡圯路

斷知州王繼蘭募金砌石重修仍為坦途閣鐘墜
壞是年復鑄鐘懸閣並撰鐘銘曰冠山龍衍嘉水

帶橫矗峙巍閣上接玉京迺召鳧氏麗壑收精異
形翥鶴奇響吼鯨碧天雲盡月落霜清萬里一色

百有八聲塵夢斯覺聾俗
咸驚聆千萬載福我羣生

附 關梁

南天門 在州西五里黑沙嶺高峻險仄乾隆四十
九年知州瑞亨修砌坡路其上有憑虛閣

明嘉靖間州人孫昇建朱繪記張寅賦晉陽東郡
艾城西域境闢南天門齊北極嘉慶十六年知州
吳安祖奉方伯陳公桂生命捐廉倡募砌石路十
里有奇有禮部尚書燕都統梅公鐵保記同治十
年左爵帥宗棠督師過境見石路損壞捐銀六百
五十金十二年鮑中丞源深又率屬捐廉繼成其
事州牧慶公亮復與諸紳內外勸募與工六載用
銀八千餘兩砌石路堅遠過前于是險阻盡為坦
途行旅咸歌盛德大理寺
卿孟邑田公兩公記其事

西天門 在州東栢井驛東分水嶺山路險要東達

淮陰侯 故關為晉省出入門戶車輻必由之路漢

唐裴晉公 駐兵榆關於栢井築城下趙即由此進兵

為要害地 又東南小路至白城口與直隸贊皇縣

界按王志 八疊坂在此嘉慶間有介休縣客商宋

廷英施銀 一千二百兩砌修石路四

十餘丈 行人便之有碑記立官路旁

平定州志

建置 城池 四

故關 在州東九十五里即漢韓信下趙井陘口是

佩芳井 陘口考曰井陘口皆未的知所在其說誤

于張守節 史記正義其曰井陘故關在并州石艾

縣陘東 十八里即井陘口意以今平定故關之東

十八里 即其處昔水陣曰緜蔓水一名阜將一名

洄星自 并州流入井陘界韓信背水陣即此史記

明言信 建大將旗鼓行出井陘口是出口已無

險矣若 如所云信未出險趙先入險有是事乎至

趙壁曰 恒州鹿泉縣即六國時趙壁鹿泉今獲鹿

縣去井 陘七十餘里而史記趙軍望見大笑及趙

開壁擊 之者又何以云乎通典鎮州鹿泉井陘口

在此今 謂之士門漢韓信破趙軍殺陳餘于此新
唐書井 陘故關一名士門明志士門關在獲鹿西
亦曰井 陘關古者關津通謂之口如飛狐壺口是
已故井 陘關即井陘口後易名士門遂呼為井陘
故關與 在平定者本不相涉廣武君曰井陘之道
車不得 方軌騎不得成列通典引此注石邑下石

邑亦獲鹿地若爲今井陘則當言上艾之道不當言井陘之道井陘縣志趙王與陳餘聚兵二十萬于井陘口信未至井陘口三十里止舍皆指土門竝不屬故關左車說餘願假奇兵三萬從間道絕其輜重是欲放信入故關而不使出土門也信規知其計不行乃引兵自故關入其止舍處在今井陘東三十五里地名微水即懸蔓水也去土門恰三十里又信夜半發輕騎二千人持一赤幟從間道草山而望趙軍開道今威州鎮在微水之左平定州志言信止舍在州之栢井栢井去土門百數十里豈夜半所能達其說確矣第泥正義謂背水陣即懸蔓水亦在今微水係未出井陘口之前則非按水經注泚水即井陘山水世謂之鹿泉水東北流屈經陳餘壘通典草山音蔽今名抱犢山胡三省曰意閒道草山即此地按今獲鹿西北抱犢山去土門三里餘趙旣聚兵井陘口待信出險而後戰故其壘在抱犢山之南前阻泚水而信卽背水爲陳也趙旣敗信遂斬陳餘泚水上皆一時事

平定州志

建置

城池

五

因州舊志引用多誤并附識于此 韓琦過故關詩春日并州路羣花夾故關前趨驅弩過別境荷戈還古戍遺殘堞新耕入亂山時貧民自適白首樂農閒 司馬光晨發故關寄逢吉詩畫戟夜中趨絳帳驛亭門外拂征鞍已嗟飄泊三年別更負從容十日歡煖席未窮談笑樂陟岡相望滯留難揚鞭策馬幾多意原上秋風作曉寒 王世貞詩四塞河山險中通一線行雄關蔽全趙疊嶂拱神京尺地分寒暑中天各晦明秋英開繡壁夕照吐金城屋似浮空置田疑傍漢耕雲根穿作竇石髓借爲粳樹雜旌旗擁峯陪劔戟迎符從襄子計陳擬率然名廣武堪稱客成安未曉兵古來興廢事大半誤儒生 喬宇詩仄徑依村轉高林隔壠疎溪風爽毛髮山翠濕襟裾邊饋春翰盡田租歲歉餘民風兼旅况

一一爲渠書

固關

在州東八十五里詳見甘桃口 劉震詩崎嶇天路仄徑絕恰摩空直此盤迴上何難霄

漢窮陰晴山向背苦樂轍西東百二秦關接重重
控聖功 吳鎮詩雄晉咽喉在巖關此地分雙門
開片石一劍倚層雲牧馬空前壘椎牛憶戍軍秋
風吹白草哀角幾家聞 喬宇過固關教場詩壇
下貔貅擁鐵衣陳前魚鳥列戎機京營習戰時三
閱畿衛分番歲一歸共道聖謨非黷武原知兵事
本防微遙聞玉輦猶巡
幸邊塞應無羽檄飛

娘子關 在州東北九十里即古葦澤城唐平陽公
主駐兵于此故名俗傳因妒女祠得名者
非也明嘉靖二十一年建置城守設百戶一員
國朝改設把總地屬州承天都官校屬正定鎮 王
世貞詩夫人城北走降氏娘子軍前高義旗今日
關頭成獨笑可無巾幗贈男兒 又詩飛泉中瀉
九關開朔氣偏摧萬壑雷噴玉高從西極下懸崖
雄自巨靈來地輸神漢為湯沐石拂鈞天奏帝臺
若語會心翻自笑羽書初過黑龍堆自注娘子關
下有泉穿大壑下勢雄甚味冽而甘 沔冬不冰居
建置 城池 六

平定州志

人賴之

盤石關 在州東北七十里一名石門口通正定府
平山縣界 曾尚增詩盤石關前石路微

離離黃葉小村稀斜陽忽出
奇峯影千疊晴雲屋上飛

甘桃口 在故關西南十五里明嘉靖間太原
不靖建立新固關設守禦千戶一員

國朝改設守備康熙間增設參將一
員地屬州東回都官校屬正定鎮

白城口 在州東南一百四十里
通正定府管皇縣界

厭谷口 在州東一百四十里
通正定府元氏縣界

西郊口 在州東南通武鄉縣界 按舊志尚有多
寨今俱無存大約皆古鄉人守望之地因
以寨名非如關隘據形

勢之險也故竝畧之

陽河關門 在營測都南蒿亭村馬蹄石溝距城百
建修關門上題石
刻不圖險要四字

石門汎口 在營測都七互石門兩邨之間距州城
百十五里明崇正間貢生張璧星督軍

駐防建修汎門上有石刻石門
鎖鑰四字並建東西兩隘口

大石橋 在下城東西門外各一
金重慶元年僧圓正建

濟川橋 在下城十字街南嘉水上前架木為梁旋
以圯壞明宏治間知州吳賢斲以石至今

便之 郝天成記略云去城不半舍許有山曰嘉
山嘉山之麓有水曰嘉水自西而東經上城之址

注下城之腹當闌闐通衢之間不但商旅之旁午
而星輶驛使往來亦無虛日按郡志有石橋曰濟

川不知廢自何時吏于州者苟便速集梁以土木
不旋踵而圯夏秋之間霖潦湍悍則乘者憚其墜

建置 城池 七

平定州志

行者畏其沒宏治甲寅春儀封吳侯來守平郡爰
方鳩工疏石工始于壬戌春三月告成于秋七月

高三丈縱二丈橫半之然後乘者
安行者肆無復向日危險之虞矣

利涉橋 在下城街南嘉水上義耆葛廷
臻建郊元溟記雍正六年重修

長樂橋 在顯應王廟西
雍正四年重修

小橋鋪石橋 在州東三十里橋有三一為金正隆
四年僧知海建一為明嘉靖二十九

年里人劉宗用建一為
萬歷二十二年里人建

柏井鎮橋 有三一在本鎮明宏治八年建一在八
疊坂一在石泉會俱嘉靖二十年義民

盧九 昌建

仙境橋 在州西八里嘉水上蓋嘉山景
物幽深恍若仙境因以名橋也

靈濟橋 在州北三里

普度橋 在州西棗園邨北南通測石驛以達艾城北通邱子破以達孟邑

鐵梁橋 在州東九十里舊關村

地都懸橋 在州東北娘子關地都村架木澗上導水溉田雍正年知州李濂創建青阿立

繼成

普濟橋 二橋俱在城西保安村南道光二十六年重修

梁溝橋 在州北百二十里砌石成橋長僅丈餘寬五尺許橋上俯視牛馬皆如犬羊東北要

津無逾於此

平定州志

建置 城池

樂平鄉

鄉城 本北齊沾化城隋開皇十六年增築周六千
山西曰西成明正德十年知縣鄭麟增修于西門
外建護井小城周一百五十三步按西門外古名
魚鱗坡西城底古名翠柳莊嘉靖五年平定州同
知崔冕建三城樓俱圯二十年知縣張武幾加修
建南門樓濬濠塹立敵樓設吊橋以資守禦隆慶
二年知縣竇思林侯維藩萬曆十八年知縣余成
舉俱修葺成舉復改立門南向崇正四年邑進士
趙士吉倡修十一年知縣呂維祐
國朝順治二年知縣霍際昌四年知縣閻鶴昇相繼
增修雍正四年知縣趙尚友重修南門建鳴鳳樓
乾隆四年知縣蒲蒼璧把總劉國治于西門上建
火藥樓十三十四十七等年知縣李榕倡邑貢生
趙執桓增生趙棻武生趙慶來王廷賢等捐修堞
墻榕復捐修鳴鳳樓脚城牆二十二年二十七年
建置 城池 九

平定州志

城牆屢圯知縣陶鏞捐修四十年知縣李早榮補
修四十七年知縣嚴鳴復詳請借項重修濠塹弔
橋今俱廢 陶鏞修魚鱗坡井城門記畧曰縣治
據高阜環山為城城下悉河灘城三門皆自城而
下其西門坡勢尤陡峻壘石比次若魚鱗遂因以
名坡為鄉南北通衢往來者輳集勢易壞鄉志舊
有井城門為之防護門何以井稱緣城內居民向
無食井惟城西穿穴得泉說者謂以是為不虞之
備今井久淤塞而門亦頽去無存坡因失所護夏
秋山水湍激日久傾圯行人苦之丁丑春予捐俸
以倡邑善士宋潛等董其事不數月工即
告竣 按今西門曰西成縣志稱寅塹誤
附 關梁

黃沙嶺

在鄉東一百二十里接贊皇縣界嶺東為九龍關

老人峯

距黃沙嶺隘口爾朱兆至廣阿齊獻武王
今遙授并州刺史李密募殷定二州兵五

千鎮黃沙井陘二道竇建德援王世充命檢校并州總管劉世讓率萬騎出黃沙嶺襲洛州唐李誣承天寨記開府張公奉璋于黃沙嶺築德化城

十八盤嶺 贊皇縣西六十里山勢嵯峨林木叢茂中有小徑縈紆上下有十八盤

鶴慶嶺 在鄉東九十里五代時北漢守險之地隘口有石城今隸直隸臨城縣嶺東下高阜

迴殊號為天險一名仙臺又名錦繡臺山高惟鶴可度最為險要仰面攻者弗克

馬嶺關 在鄉東南一百里接邢臺縣界白巖山麓距其隘口亦北漢守險地也遺址尚存直隸設兵戍守

松子嶺 在鄉南四十里接和順縣界嶺勢崎嶇縣互二十里有奇有古關

靜陽砦 在鄉東北漢劉崇置砦以扼周師北控井陘漫天南控黃沙黃榆

建置城池 十

平定州志

石人寨 在臯落邨周二百步高七十餘丈山狹而盤旋下有大小石窰可容數百人由窰門鳥

道而上即寨也金元時闢顯關甫率鄉人避兵于此巖間一石若兩人相負因以名寨

泥澄口 在鄉東南六十里直隸營兵守此鄉志見都邨

馬嶺石橋 明天順六年邑人禮部郎中喬宗建

丁峪口石橋 明隆慶三年邑人王廷章王世貴劉自朝同修

土巷溝石橋 有三其一明萬曆十四年董義修其二皆萬曆十八年生員李晚修

五家莊石橋 宋詔修

司家溝石橋 司龍修

七節邨石橋 劉登劉科修

石馬寺石橋

乾隆十年邑紳趙庚修

神掌窰石橋

乾隆五年監生趙壽修

板橋溝永興橋

乾隆十五年生員李儀迥與鄉民李渾穆同修十七年竝建茶棚火

房

平定州志

建置

城池

十一

公廨

州縣之治今通稱為衙佐雜則為廳其為公廨則一敷治出令于斯決獄聽訟于斯以及吏胥之舍貨財之府罪人之牢其制皆定於

朝廷而公之萬民故親民者非杜其門而守其戶也固為政之有所必行也

州

州署在上城東北隅後左二一面憑城垣明洪武三年知州程宗道建

平定州志

建置 公廨

十三

國朝乾隆三十年知州陶易重修大堂三間榜曰忠

愛耳房二間東為官廳西為庫前為月臺東下為

課程吏戶禮四房及快手班房西下為承發兵刑

工四房及民壯皂隸班房又前為儀門外東為高

積倉土地祠

又舊有迎賓館明萬曆元年署州事照磨楊松建今廢

西為收

糧櫃監獄馬快班房又前為大門外坊二東曰京

華右輔西曰冀晉東藩後為宅門左右門房各一

又後為一堂五間山西布政使朱珪顏曰靜如堂

左右廂房各三間

咸豐八年燬于火知州董彙芳重修

西為客座

乾隆

五十一年知州金明東有紫梅軒軒前為內宅同治

源葺顏曰學陋軒

十年知州慶麟派

州紳勸捐補修又東為湧雲樓詳見古蹟樓高

間俯視民居室家畢見乾隆三十四年署知州樓

姚學瑛塞以磚瓦俾僕役無得竊窺民德之

側有望雨亭前有隙地設馬棚墓齋羣房庖福不

盡載

州判署

在州大堂西乾隆十三
年州判李在田建今廢

吏目署

在州大堂西州判署
之東左有鄧侯祠

學院行署

在州署西雍正二年知州李濂即太原
同知署改建學使按臨考試士子便之

道光二十年

知州文光倡捐闔屬捐貲重修二十
一年工竣二十二年署知州莫兆文撰文勒碑碑

平定州志

建置 公廨

十三

在試院大

門內西亭

守備署

在下城東北隅為守禦千戶所廢址乾隆
四十九年把總曾世官詳請建置為城守

司署同治元年

移壽陽守

備駐劄州城

改為守備署

城守司署

在下城守備署西同治元
年把總張函詳請建置

僧正司

在天甯寺

道正司

在城隍廟右

草豆公局

在城隍廟西乾隆五十三年知州王秉
韜闢崇德詳請建置為十四都輸納草

豆公所

其綠由規

條詳附倉儲後

寶泉分局 在河底鎮咸豐四年設立開爐鼓鑄
鐵錢九年停爐今局廠地基僅存

舊有州同知宅

今高積舊址

都察院

在州署西明洪武九年知州魏

忠志建成化十五年

察院

在都察院西明正統四年知州葉蒿建宏治十

國

朝康熙二十四年改為太原同知分守署

布政司

在察院西明正統四年知州葉蒿

舊察院

在舊按

察司

在布政司西明嘉靖十五年知州馬京建

府館

舊在下城十字街北明成化二十二

年知州吳藻移建

守禦千戶所

在下城東北隅明

上城榆關門外

洪武二十四年千

萬曆十九年千戶朱一麟重修曹命記

故關巡檢

在故關

司隘口

故關公館

在巡檢司南明宏治

平定州志

建置 公廡

十四

字街北明洪武三年

皆久廢無存

附 養濟院

舊在下城十字街北明洪武八年知州張孟善建成化十四年知州林士宏徙

國

朝改建西北隅萬曆元年知州楊梓移置南門外

乾隆三十三年重修

育嬰堂

隣養濟院雍正二

官桑園

隣漏澤園二園俱明正德

演武場

在州東南五里

南北長三百步東西濶二百步內有亭

固關教場

在州城東大林山下場

屬直隸固關營地屬州

樂平鄉

萬壽宮

在舊縣署東乾隆四十一年知縣李早榮敬修有碑記

分州署

在城中利用街明洪武二十二年知縣馮人傑建

國朝

乾隆四十一年知縣李早榮修乾隆四十六年

知縣嚴鳴捐廉

重修嘉慶元年裁縣為鄉移本州

州判駐鄉

大堂三間耳房二間西為幕廳舊廢改

仍舊縣署

建屯米倉東為庫知縣嚴鳴捐廉

重修前為月臺

東快班房四間皂班房四間又前為

儀門

內有戒石坊東為寅賓館又前為大門外左

鄧侯祠稍北為收糧房

後為二堂舊為川堂乾隆十七年知

房三間舖司

房三間轎夫後為二堂

縣李榕改

又後為三堂舊為二堂知縣李

為二堂

榕改今為內宅東為花

平定州志

建置 公廨

十五

廳三間

又後為慶于廡三為琴樓五其餘齋廳羣房

庖湏詳舊縣志

西宅

在大堂西舊為典史署

僧會司

舊在南關慈雲寺今移北街崇教寺

申明亭

在舊縣署東知縣陶鏞修

按前縣志舊有縣丞署

在縣署東慶于察院署西

冀甯道

在察院西改府館在縣陰陽學醫學署前

又有旌善亭

在縣署東俱久廢無存

附 養濟院

舊在南關雍正八年普濟堂育嬰堂俱

西門內乾隆二十年知縣鹿師
草場在縣署東改
祖建知縣陶鏞重修育嬰堂
草場建文昌祠即
沾城官地基南門內外共二十八處杜莊一
書院處租銀為士子科舉卷價之資演武
教場在西門外河西里許舊
有演武廳將臺俱圯

平定州志

建置 公廨

壇廟 附寺觀

壇廟之設皆古人神道設教為民祈福禳災之所也自方士興而祀祠之禮非宜釋老出而土木之費更廣則亦有不當設而設者狄梁公所以有毀淫祀之治也然禮經有言凡祀有其舉之莫敢廢也又曰有功於民則祀之則順民心從時俗蓋亦功令之所不禁者今壇廟之載在祀典者領於秩官州縣略同矣至於在處山川之神隨地寺觀之設舊志所有者並存之所無者亦斟酌而間附焉

平定州志

建置 壇廟

誰謂坊民宜俗之道不即在於拜跪莊嚴之際耶
州

社稷壇

在西郭外明洪武九年知州張孟善建成
化二十二年知州吳彙嘉靖五年知州蔡

俸皆重修

國朝雍正十一年知州梅廷謨重修建坊乾隆三十

二年
復修

山川壇

在南關外創建重修同社稷壇常
雩亦于是壇設祭以未建雩壇也

先農壇

在東郭外關帝廟西雍正五年知州青阿
立建雍正十二年知州郭一裕修乾隆三

十三年重修藉

田四畝九分

厲壇

在西關北一里許明知州張孟善建知州蔡
俸修萬曆十八年太原府同知劉應文

國朝康熙間知州劉子嘉雍正間吏目

溫而厲皆重修乾隆三十二年復修

八蜡廟在州東五里明知州蔡俸修喬宇記嘉靖

國朝雍正二年知州董俊重修乾隆三十二年復修

道光壬寅秋螟蟲傷稼知州莫兆文詣神前虔祝

災祲遂退咸豐元年郡

人竇峩等捐貲重修

龍神廟在東關東北岡知州歲時祭禱於此明萬

國朝順治二年知州張儒秀重修乾隆三十二年郡

人竇瑞施殿後地基一段知州陶易即其趾增建

後殿移龍母暨諸龍神像居之左白龍殿右風神

殿前殿始專祀龍神焉嘉慶七年郡紳竇瓊等經

理重修同治十三年郡人葛其華等

捐貲修葺趙鳴西撰文均詳碑記

文昌祠舊在天寧寺西明天啟間以堪輿家言與

平定州志

建置 壇廟

六

東南隅有石刻疏引及苗蕃碑記

國朝順治十二年知州夏世安重修並題七律一首

在東廡壁上乾隆四年十五年三十六年四十五

年俱補修各詳碑記嘉慶六年知州宣增建先代

祠三楹於正殿後有許乃濟碑記嘉慶二

十年同治七年俱郡人修葺各詳碑記

奎星樓一在城外東南奎岡上明萬曆三十七年

國朝順治十一年知州夏世安重修有記康熙三十

三年復修太原府同知趙端記乾隆四十年郡人

竇克讓等捐貲重修李光萬記一在下城東

南角乾隆年間郡紳新建同治七年補修

關帝廟在下城後街鐘樓巷康熙四十九年乾隆

姚學瑛復修並建山門戲樓嘉慶十三年住持僧

心正募緣修葺道光二十二年郡人捐貲重修

建三代祠於正殿後咸豐八年郡人補修各有碑

記城鄉帝廟甚多不能備載祇以祀典行禮之廟

紀之昭其敬也

城隍廟 在下城西北隅高阜明知州張孟善建知州吳彙修宏治間知州吳賢增修白思明

記嘉靖七年義民徐聰等重修郭紘記後遷廟於千戶所迤西四十二年知州孫九疇因逼近民居

仍撥建舊址萬曆四十二年知州王秉恩修國朝康熙十二年知州齊大岳創建翼殿十三年州

人建嘒愉樓四十二年知州劉孚嘉五十四年知州何錫祿皆重修乾隆三十二年東廊燬復修五

十三年嘉慶二年郡人補修二十二年知州吳安祖修道光七年知州賈亮采重修同治七年知州

慶亮補修

旗纛廟 在守禦千戶所堂右舊廢今就演武場祭之

馬王廟 在下城平潭驛中順治十年知州夏世安建雍正十三年知州郭一裕重修道光二

平定州志

十四年知州王繼蘭重修一在西關一在栢井驛一在甘桃驛

鄴陽侯廟 在吏目署前雍正間知州安克寬重修

龍天土地祠 舊在州署大門內東邊明萬曆壬寅知州王池遷於榆關門外鼎建正殿

三楹西向中肖神像國朝康熙壬午太原同知戴天佑知州李嘉率士民

重修建大門一座附錄知州王池遷神文曰惟神保釐茲土默宰休咎其靈惟顯其德尚幽誰偶

作木比隣衙宇刑鳴法號豈神所棲卜徙伊何榆關之東廟貌對峙鎮伏來龍可以凝淑氣而不散

可以衍福祚於無窮池也出茲臆見曷敢遠遷謹具牲醴用以告虔尚饗

玉皇廟 在下城十字街北崇正十一年郡人張三謨創建乾隆四十年知州馮挺重修嘉慶

元年同治六年十三年郡人歷修各有碑記

神霄玉清宮

在下城獅子巷西宋宣和六年建內有徽宗御製碑今為五嶽行祠

國朝康熙四十九年太原同知趙友夔修李空凡記嘉慶癸亥郡人重修

昭濟聖母祠

一在下城後街一在鄰家泊一在鎖簧邨一在南坳邨在南坳者祠下有

泉州人求嗣者於泉寶中取石子為驗延越書額萬歷間重修宿金有記歲正月初十日三月二十

五日人往祀焉

河神廟

一在東城上與水門同建一在西水門外道光二十九年知州錫麟創建

存像祠

明嘉靖間從張孚敬議文廟易木主因撤像另祀故曰存像在郭白衣菴西即知

州陳公起潛祠康熙二十五年生員劉永錫捐修乾隆六年嘉慶二十二年俱重修

火神廟

在北城外舊在城南流杯池自譙樓告災州牧方公浩熟於堪輿之學移置城北蓋

平定州志

建置 壇廟

二十

取陰陽調劑之義焉嘉慶九年郡人增修詳黃翼堂記同治元年郡人補修黃堯臣記

明靈王廟

在城北里許王邨姓諱彤漢世祖雲臺功臣之一也食采靈壽邑人立廟祀之

明天順時英宗病瘡夢有人陰治之已而果愈即夢中所見繪圖求之乃神也特封明靈王廣其廟

制州民相沿至今三月二十三日賽神香火甚盛廟市肩摩百貨聚集河底村亦有王祠香火尤稱

浩大俗傳神司醫瘍其說固有自來也明萬曆二十九年尚淮創建三十四年知州王池增修

國朝康熙四十七年雍正七年同治八年歷修有記

竈君廟

在明靈王廟左道光三十年知州錫麟新建咸豐十一年郡人修葺

扁鵲廟

在城西北五里鵲山明嘉靖四年修癸丑廟災三十六年重修

國朝乾隆二年嘉慶十九年道光十一年光緒五年郡人歷修

泰山行祠 一在東關街北明知州宋沛自東南營遷此

國朝順治八年知州陳起潛修康熙二十八年乾隆二十九年嘉慶十年歷修一在西關街北明萬歷

元年崇正九年歷修
國朝康熙三年重修道光二十二年重修均詳碑記

三官廟 在東關長樂橋西康熙三十五年建乾隆十三年增修道光十五年重修

崔府君廟 在州東關長樂橋東宋宣和間建金太和間重修元至正間同知州事保保禱

雨有應為修其廟學士揭傒斯為文記其事明正統間重修和鸞記

國朝同治三年郡紳趙鳴西等捐貲重修光緒元年趙鳴東等續修至光緒五年工竣勒石各有撰文

蒼巖廟 在東關創建碑記字跡剝落不可辨

國朝康熙乙亥知州宗讓重修雍正乾隆道光間增修補修各詳碑記

建置 壇廟

三

平定州志

藏山行祠 一在東關北岡上祀春秋時趙文子一在州東橋頭邨青龍山一在州西昇中

鄉保安邨 一在州北麥家岩邨歲旱禱雨輒應

山神祠 在城東南五里南坳嶺每逢山警州牧虔禱有靈

元帝廟 在城南郡人李空凡有記

嘉山行祠 在城南湧泉亭西明知州張孟善建正德間同知齊璠修嘉靖十二年重修郭

絃有記
國朝乾隆十年重修甄鏞有記 郭絃湧泉亭晉公

子廟碑 平定州望嘉山有晉公子廟載在祀典有司歲時將命祭之湧泉亭亦有晉公子廟然不在

祀典而其神則一也嘉靖乙酉郡守河間李侯銳懼廟圯廢無以安神乃與修葺之始考郡乘及石

志多不載其事惟曰嘉山晉公子廟既訖工使人以禮來問之曰是何神也且乞為碑其事郭絃曰

余讀春秋左氏晉語及太史公世家言知晉之故
詳矣晉公子其申生乎在昔魯僖之際晉獻公以
女戎殺其世子史蘇謂懼民國以移心而人有以
不厭矣東山之役臯落氏實出郡地稷桑之戰是
公子起百姓以為百姓也况之乎公子之死人有
以不厭邪杜原款之死之訓以為死必遺愛而公
子之死死死民之思也然郡之有廟固然今夫祀乃
曰望而僭于藪澤之神夫神不歆非類以百姓而
旅望神誰歆之雖謂之公子可也使公子之死去
情反讒而不獲令各以終百姓雖祀淫而謂之藪
澤之神可也茲民之仰公子如日焉既不僭以淫
余何以不謂之公子或曰謂之申生誠然矣春秋
曰晉侯殺其世子申生此何以公子稱曰周有天
王凡諸侯有子請而立之義也晉侯于里克曰立
太子之道三子無謀吾父子之間若亦未告而立
也未告而立而又殺之晉侯之罪大矣故世世也
太代也俱曰公子可也雖然余重有以悲之也晉
語謂申生甚好仁而疆甚寬惠而慈於民皆有以

平定州志

建置 壇廟

行之申生亦自曰受命不遷為敬敬順而安為孝
又曰為人臣子者患不勤不患無祿患不從不患
無名余讀此未嘗不流涕也嗟夫先王制國疆理
敦本茂族必先自家而國以晉侯之獻申生之仁
而可以後晉無亂為女戎之故而使其子委曲心
度不能自明以死其何以為國君子有以知晉之
不終也前史云既驪姬不克晉正於秦五立而後
平其公族微矣而余重有以悲之也雖然申生之
死多故矣而隱莫甚于優人施而曰申生也小心
精潔而志重精潔則易辱重債則可疾又曰甚精
必愚精為易辱愚不知避難卒以之遷重而死嗟
夫辱之近行精為易辱豈獨古人為然余于此重
有以悲之也乃擬楚辭一首刻之以享公子君子
讀之必不以為復業而作者其辭曰秋菊兮玉英
青蕪萸兮瑤階生公子兮續竝迎美人連蜷兮目
獨與成公子至今舞下女援玉桴兮擊金鼓聊道
遙兮適容公子不我留兮我心愁苦驅猛豹兮駕
長蚪折芳華兮登遠洲思公子兮增煩憂靈風兮

神雨下北平兮極南渚來無所兮去無處徒勞心
兮延地曰曠兮晝冥豹虎嗥兮狐狸鳴秋山空兮
人夜驚思公子兮爲民正嘉山兮嘉水草樹幽深
兮石泉清矢公子居兮永干世保我民兮在公子
張佩芳重定晉公子申生祠辨平定之望曰嘉
山水曰嘉水一曰黑水載在祀典或傳晉靖公之
臣忠於晉爲三卿所逼奔此死爲神今嘉山廟是
元韓粹中靈源公廟碑亦云自此嘉山黑水祠僉
以爲晉公子矣其在湧泉亭者曰嘉山行祠故亦
曰晉公子明郭紘則曰是公子申生其言曰東山
之役臯落氏實出郡地又曰公子之死死民之思
民仰公子如日焉郡之有廟固然又言嘗證之太
宰喬公字亦以爲然且曰某遊郡中有狐突廟二
豈非左氏言適下國遇申生之地耶蒲臺山廟亦
曰晉公子尚存獻胙小臣犬狀余考左氏僖公元
年晉侯使太子申生伐東山臯落氏注臯落赤狄
種也在潞州史記晉獻公十七年使太子申生伐
東山注東山赤狄別種今樂平縣東七十里有臯

建置 壇廟

三

平定州志

落邨縣志以爲即其地然自申生帥師之後至魯
宣公之十五年荀林父滅潞氏十六年士會滅甲
氏及留吁成公三年卻克滅臯咎如始兼有上黨
及臯落之地是東山之役未能盡敵而反也且其
死不以孝而以恭胡令人思之不忘與晉始都翼
今翼城縣西二十里是下國晉之曲沃新城在絳
下故曰下國曲沃今聞喜縣狐突何因而適於此
蒲臺山廟曰靈瞻與嘉山號靈源者自別亦無有
晉公子祠烏可臆言其然乎或曰茲祀非申生是
已晉公子非與曰史記晉靖公二年魏武侯韓哀
侯趙靜侯滅晉侯而三分其地靖公遷爲家人意
其公族奔竄至此沒而人奉祀之事雖無徵而理
則可信然當爲專祠而不可以僭嘉山黑水之祀
嘉山黑水既號爲靈源公決知非晉公子夫祀之
不以其物與非其人而強名之至廢山川之秩祀
皆禮之所不享也故爲辨其失以俟後之釐定焉
乾隆五十八年咸豐五年
俱重修有郡人郭天祐記

悅賢祠 在城南湧泉亭左中祀金部尚書趙閑
於斯後人思其德建祠肖像尸祝之自元明迄今
凡州牧之有功德於斯土者州民亦皆送長生祿
位於其中

景賢祠 在城隍廟西內供州
牧王闕二公遺像

昭忠祠 在城隍廟儀門西內祀陣亡官弁

勅旌武翼都尉行營遊擊乾隆辛丑進士韓文秀樂平人

勅旌昭武都尉行營都司乾隆癸酉武舉楊鵬平定州人
人詳見忠烈

孟壽營外委王定國孟人

勅旌郵贈六品軍功白惠州人
勅旌郵贈六品軍功白惠州人

外委董福咸豐間陣亡靜海縣州人

平定州志

建置 壇廟

二十四

外委康儉咸豐間陣亡亳州州人

陣亡兵丁

梁立金 萬發財

李廷玉

康祥

劉泮

李斗才

王致銀

黃定財

梁松

張銓

夏得貴

吳登澤

翟玉

尹傑

樊鵬

汪秀 以上州人

張成志

武廣

以上樂平人

崔銀吉

高大敬

崔學榮

萬人儀

王華

聶士華

溫清明

郝來長

樊成寬

王璵

安定祿 以上壽陽人

李士魁

魯旺

年陣亡滑縣州人

夏海

咸豐四年陣亡高唐

州州人

夏才

咸豐五年陣亡湖北州人

王察

咸豐四年

王有盛

咸豐間陣亡靜海縣州人

王保財

咸豐三年陣亡湖北州人

王察

咸豐四年

陣亡高唐州人

王

咸豐間陣亡臨清州

王保財

州人

王成小

咸豐間陣亡津門州人

咸豐間陣亡臨清州

王保財

夏學正祠

在文廟明倫堂東明正統間錢塘夏廷
器為州學正門人白侃趙文萃輩立祠

祀文
今廢

喬都御史祠

在東門外公諱應申猗氏人明萬曆間州大饑公道經於此解囊金數千

賑濟全活甚眾

州人德之立祠奉祀今遺址析為民居

曾尚增喬都御史祠詩噉噉鴻鴈叫斜陽

哀此矜人為解囊多少飛章

達民漠應餘諫草在南牀

人祖廟

在州東八里王家莊有元至正重修碑志顧炎武山東考古錄曰泰山有人祖殿不

知何取三秦記曰驪山巔有人祖廟不齋戒而往即風雨迷道長安志曰即秦始皇祠蓋本之史記

所云祖龍者人之先也按始皇不應祀典于平定更為非宜特其廟由來絕遠從張佩芳郡志正諫

增

李英公祠

在州東十里誓石郵唐李勣為并州郡督有惠政民立祠祀之或曰本殷公也

平定州志

建置 壇廟

三

開山嘗為石艾長宋祁修唐書避宣祖諱易曰英

未知孰是 曾尚增李英公祠詩循良異代仰高

風惠澤沾濡詭思中不信試

看東郭外州民猶祀李英公 趙秉文詩地

淮陰侯廟 在州東二十里試劍峯 建奇功興劉

業就人何在破楚名存事已空故壘帶烟餘殺氣

荒祠向晚動悲風功名蓋世今如此讀罷殘碑思

窮不

明靈大王廟 在柏井鎮金龍山 遇早禱雨屢應

東嶽廟 在柏井鎮山上 一在 葦瀑郵 一在地都郵

伏羲廟 東西浮化 伏義廟 東西浮化 山俱建 明洪武四年改稱女媧氏之神按呂思誠記及東浮山壁殘碣女

媧氏神祭在東浮化山後誤祭於西

浮化山明萬曆間復祭東浮化山廟

狐突廟 一在州東瓦嶺邨相傳狐突御戎至此

沿江聖母廟 在上盤石邨東昔唐王避難公主隨

使立廟祀之至今廟宇

傾折遺址殘碑尚存

介子推廟 在娘

妒女祠 在澤發水上唐大曆

觀音祠 在州東北地都邨南古名圓通菴相傳唐

此題名

石碣 在州東北地都村

溥恩祠 雍正年間欽奉

建置 壇廟

諭旨通行水利知州李濂青阿立於娘子關濬導綿水

逢壑架木遇臣通渠溉田數頃民利賴之建祠

奉 碑記厥後塑李青二像春秋享祀勒去思碑

世宗憲皇帝龍牌有李濂創興水利碑記青阿立水利

蠶王祠 在州北十五里臥虎寨

白鷄祠 在州北二十里龍莊邨五代唐莊宗至此

靈風捲畫旂驚心野外白雞祠唐

家舊業凋零白寺令當年苦諫時

甘泉龍王廟 在州北百里許白甘泉邨東南峯蒼

三義廟 在州西十里義井鎮呂思誠有

鴉神祠 在州西中上莊邨道光間飛蝗人境州牧

平定州志

香楮虔誠祝請不旋踵而果至一州之蝗靡有孑遺州牧感其神供鴉神牌位俾村人立祠祀之

嘉山黑水廟 在嘉山周世宗顯德二年封嘉應侯

普澤侯金大定三年封靈源公九年知平定軍溫

時痕重建元至正十二年加封靈源洪濟王明洪

武初重修改稱嘉山黑水之神宏治甲寅知州吳

賢重修相傳晉靖公之臣忠於晉為三卿所逼奔

此化為神土人立廟祀之有司春秋致祭 韓粹

中重修靈源公廟碑周威烈王初命晉大夫魏斯

趙藉韓虔為諸侯先是時三家滅智伯剖分晉國

或傳公即晉族也憤宗社之亡奔走抑鬱客死于

廣陽之嘉山冥通異感不隨死而亡傳曰深山大

澤必生龍蛇名山大川神其主之若夫雲烟夕暝

風雨晝晦恍惚之間焄蒿悽愴如或見之水旱災

患神實司焉蓋有利乎民也因立祠歲時致祭然

未知起自何代由秦漢及唐史逸其事方冊無聞

周世宗宋仁宗顯德永和之間始以侯稱宣和中

平定州志

建置

壇廟

三

用太守張穎之請加封靈源公行祠有碑已紀其
本末矣今據其實而書之公以忠直純一之德禦
災捍患澤被蒼生雨暘調而民不饑札瘥消而民
不折神之佑民也民之祀神也禱應交答理固然
矣然公之廟貌歷歲滋久猛風斜雨漬漸摧毀大
德甲辰夏四月己丑奉直大夫楊公來知是州治
政之暇偶至祠下遲回瞻顧嗟惜悼嘆慨然有修
復之志詢於廉訪僉事聶侯洎郡人王嗣等衆諸
一詞若合符節即日鳩工庀材一方之民聞者奔
走而助其役曾未半期而成殿宇深靜儀門闕敞
山廳覽秀濛濛分流砌石橋以便往來修井亭而
覆靈跡耀金輦碧咸與一新延祐紀元冬十月浹
辰州人田思讓蕭玉輩屬辭于余曰廟例有碑而
此獨無之使成功者泯沒而無聞焉是為缺典再
辭而來愈勤余因為銘以歸之銘曰神監之明秋
月之盈神斷之清涇水之平惟清與明物無逃形
究善折惡若執權衡介爾景福楛爾天刑神之歆
之靡愛斯牲民之祀之必薦吾誠故曰上天之載

無臭
無聲

蒲臺廟

在獅子山隈宋崇寧元年建封靈瞻公金
大定間修元至正間復修加封昭應靈瞻

王趙懷允靈瞻王廟碑記略曰獅子山之麓有石
臺若巨人之冠帽然菖蒲生其上宋世歲旱有童
子於石臺之旁置瓶於蒲下以禱為嬉見蒲之芒
有露凝結墜而入於瓶即有雲物觸石而出膚寸
而合雨徧境內自是值恒暘做童子禱屢獲其應
大建祠宇名曰蒲臺神廟而奉祀之宋崇寧三年
賜額曰靈瞻用部刺史西染院使高權之請也
舊志謂為晉公子申生祠誤辨見嘉山行祠

石甕神廟

在州西三十里獅子山建於宋崇寧三
年賜額豐濟王明洪武四年改稱獅子

山巖石甕之神歲以五月十一日祭 呂思誠豐
濟王廟碑記略曰獅子山有崖直下數百仞其旁
有穴深若井名曰石甕上有覆石如蓋天或旱暘
祈請者側立以杖挑甕端之石蓋遂霖雨雨既沾

建置

壇廟

二天

平定州志

足隨置石蓋如故否則風從甕生拔
木偃禾與嘉山蒲臺神同時封表

顯靈王廟

在州西昇中
鄉古測石驛

西龍王廟

在州西南三十五里陽勝村西
西龍王廟

廟名五龍聖祠中有一井覆以石井上二柱繞以
龍影射井中活現如真自宋至明屢次重修呂思
誠聶思明郭振鷺各有碑記崇正十六年重修觀
音閣有浮化山僧紹潭讚云似形非形無相不相
我欲讚之出言成謗直下絕思維丹青那能狀萬
里和風吹白蘋一輪明月波心上

國

朝順治二年有延遐齡重修五龍祠碑記云甲申
逆闖從平定過凡近大路鄉村肆掠幾盡余避亂

於此直一時桃源也康熙
雍正間歷修均有碑記

金山聖母祠

在州西南二十餘里羣池邨東神座
下有甘泉長流夏不竭冬不冰村人

壽雨靈應

國初遷移范莊南山下

甘泉祠

在州西北燕龕部有任質瀄碑記

護海聖母祠

在州南三十里潏潏泉乾隆十三年六月旱知州王祖庚為文以祭取水

回郡兩即時降書聖

德洋洋四字額其祠

附寺觀

天寧寺

在下城南營宋熙寧間建賜名天寧萬壽禪林救太師蔡京書額有雙塔東西對峙

高十餘丈

西染院使知平定州軍事高權有雙塔

記石刻

今廢寺有大悲閣元呂思誠記明洪武五年重建宏治七年重修延定之記嘉靖間重修

國朝順治間僧人性善募修張修已記雍正八年州

人黃鑑捐金募重修張恩記大悲閣後改大雄閣

建置壇廟

三五

平定州志

延論題額

趙端詩浮圖雙峙下城隅望闕朝正

競拜趨試聽呼嵩應巖谷山光佛日祝唐虞

乾隆二十九年重修光緒五年補修大雄閣東西配房及大門

崇聖寺

在下城今廢大鐘存焉

新寺

在州東五里

長國寺

在石門口金牛山下山上枯樹成林半崖有北齊李清言碑記

法華寺

在柏井鎮西北崗上漢天會二年建明宏治十年柏井驛丞劉承慶于寺旁置地十

畝施之嘉靖四年修白

金記後屢脩郭紘記

槐林寺

在州東八十里槐樹舖

乾寧寺

在州東六十里東回郵金太和六年建

香烟寺 在州東五十里瓦嶺村寺右古柏一株相傳為神樹高數丈周五圍寺前松柏無數

遍山蒼翠有蔡服采碑記

馬齒巖寺 在州東八十里馬山邨金大定間重修明萬曆四十一年李梓有碑記

聖壽寺 一在州東鶴亭邨元至正十三年建一在州東北董寨邨明正統四年建一在州東

北盤石邨明正德九年建知州才英記

真覺寺 在州東南二十五里寧艾邨

開河寺 在州東北十六里亂柳邨創自隋朝寺前老柏數株堂上古佛像高丈八下列石佛

百餘尊其像不同而無一完體相傳為流寇所傷洞頂橫石如匾上書嘉靖乙酉樂平喬宇子永殷

郡人王振等同遊於此

平定州志

建置 壇廟

萬安寺 在州東北二十里龍莊邨元至正間建明景泰間修

木密寺 在仙

壽聖寺 一在州東北四十里移穰邨唐貞觀二年建宋宣和五年修明洪武八年僧會寧重

州東六十里西回邨宋治平元年建一在州西二十里平潭鎮宋熙寧元年建明萬曆年脩李榮記

一在州北一十里白羊邨宋治平四年重修呂思誠記一在趙家莊邨有張三謨石刻疏引一在測

魚邨有明萬曆二十二年張四明及崇正十四年白孕彩碑記一在蒿葦邨

有嘉靖十七年朱正碑記

鐵佛寺 在娘子關嘉靖間修任鑑記

勝水寺 在黑沙嶺順治間僧圓元修康熙間郡人張勳募眾重修

晉寧寺

一在獅子山宋宗寧二年建明洪武年僧圓潤重建一在廣陽邨宋嘉祐二年建

聖泉寺

在州西四十里新興鎮宋天祐六年建明天順五年修

興佛寺

在昇中鄉牛欄坡有郝琪黃廷綬記

圓興寺

在州西六十里漢橋鎮隋開皇四年建明景泰間修

慈化寺

在洛磨川即西浮化山下也寺久傾圮乾隆十三年募修

大安寺

在黃邨宣德年張奉親修

法雲寺

在州西一百里廣陽邨正統四年建

清涼寺

在州南三十里藥嶺山上

雲峯寺

在范家莊曹命有記

平定州志

建置

壇廟

三十一

資福寺

一在冠山元至順辛未建明洪武元年重修正德二年拓建後殿訓導高士達州人

白鑑曹

命俱有記一在州南十五里蘇邨元至正二年建明景泰七年重修

臺泉寺

在州西南五十里臺泉邨

雙林寺

在州西南七十里松曲邨含龍山唐時名普濟院宋大中祥符間賜牒有碑僅尺餘

光鑑
秋毫

惠因寺

在州西南八十里西浮化山明嘉靖二十七年修

華巖菴

在城隍廟下舊名環山亭創修記剝落不可辨明季兵燹傾圮

國朝康熙

四十三年郡紳白輝朱國儒葛謙吉重修同治元年郡僧生葛鳳彩等募緣重修

虎溪菴

在東郭外朱氏巷孝廉苗蕃別墅燕赴南城任捨為菴

白衣菴

在西郭外建坊名雨花臺明崇正辛未年州人李可賓募緣創建苗蕃記

樂壽菴

在州北郝家瀑郝瀑泉峯頭有苗蕃鼎建樂壽菴記

朝暉閣

在東關街頭上祀闕帝文昌帝君聖像

存真閣

在西關街頭上祀觀音真武二神像

憑虛閣

在黑沙嶺

遇真觀

在州北三十里陰營郵金大定間建

瑞雲觀

在三都仙人臺下元至正間建明正德間增修白思義記

寶真觀

在州東三十里新郵金大定間建明洪武間置道正司

平定州志

建置 壇廟

樂平鄉 依縣志

社稷壇 在西北郭外乾隆十四年知縣李榕修乾隆二十七年知縣陶鏞重修常雩即于是

壇設祭以未立雩壇也

風雲雷雨山川壇 在西南郭外乾隆十四年知縣李榕修乾隆二十七年知縣陶鏞重修

鏞重修

八蜡廟 在北關街東乾隆二十四年知縣陶鏞修書額

先農壇 在風雲雷雨壇東雍正五年知縣趙尚友建乾隆二十三年照壁北知縣陶鏞重建

書額二十七年知縣陶鏞重修圍牆藉田四畝九分

邑厲壇 在北郭外里許

建置 壇廟

平定州志

霽神壇 在西郭外里許

關帝廟 在東門大街乾隆二十五年大殿東偏牆北知縣陶鏞重修二十六年三代祠北知

縣陶鏞率典史吳欽恭重修 元宋超記畧曰舊廟在城南金正大四年郡丞范熒始改築南門內

元中統年間遷邑治之北延祐初漂陽同知翟公輔即舊址創建新廟

文昌祠 舊在儒學東康熙四十一年知縣馬光穆建學宮之右有記乾隆二十三年知縣蒲蒼璧

重修增建鐘鼓樓大門 磚坊樂樓趙南年記

魁星樓 在學宮櫺星門東明正德四年知縣韓清建喬宇記

城隍廟 在馬王廟西

土地祠

北極閣 知縣陶鏞馮兆觀朱敬修屢修乾隆四十一年知縣李早榮移奉真武漳神有碑記

火神廟 在關帝廟內西偏乾隆四十年知縣李早榮新建有記

鄧陽侯廟 在縣署大門內以春秋二十日各書吏會祭

馬王廟 隆四十年知縣李早榮移建署東有碑記

龍王廟 在馬王廟西乾隆四十一年知縣李早榮新建有碑記

九龍廟 在縣東一里

三郎廟 在縣東山坡一里 喬宇詩岱嶽分祠出縣東山川環繞據高空神名誰記三郎異

鄉俗爭傳百姓同賸有風雲驅歲疫固宜香火祝年豐勒詩聊爾酬靈貺曾夢奇方授病中

平定州志

普潤廟 在縣東十里建都邨有栢樹數株伐之則災異立見

人祖廟 在縣東十里青巖頭

蒙山廟 在縣東二十里祀龍神邑人趙庚于雍正三年建塔一座

石甕神廟 在縣東七十里車寺邨東山峽中有潭廣盈畝水深莫測旁建龍王祠三禱雨輒應乾隆二十四年知縣陶鏞把總楊錫義

禱雨于此俱有應 趙敏有甕山祠靈應記 縣嚴鳴禱雨記畧曰樂邑城東七十里有石甕山

又名甕城中有龍潭方數丈其深莫測上覆大石內有小孔溝水自上而下有石流入潭中輒出又

有石甕二龍洞一大洞三蟠窟一大石能動者一山有神曰顯澤顯聖顯應舊傳神生於太原昆弟

三人俱以靈應著而季尤赫邑乏雨則迎之來則大雨往往有驗壬寅夏數月不雨余步往跪禱潭

前禮畢瓶中有水數寸僉曰神賜雨矣迎神而返

大雨隨至
遂以有年

岱嶽廟 在縣西八里梁莊郵

神掌竈廟 在縣西十里廟旁有山泉一穴涓涓不絕味清冽康熙五十年邑人趙庚建閣

一座乾隆二十三年知縣陶鏞禱雨立應

陡泉聖母廟 在縣西三十里陡泉關絕頂乾隆十八年重修舉人張興鵬有碑記

藥王廟 在縣西南一里

張果老廟 在縣西南五十里白家疇大龜谷旁即清漳發源之處漢唐時俱奉勅重修明萬

曆間縣民潘世遇等施廟地三十餘畝有碑記乾隆二十一年知縣陶鏞查勘熟地二十餘畝郵民

盧得有租種每年租粟一石二斗存郵民郭建中等處為修廟之費

平定州志

建置

壇廟

三五

三官廟 在縣南一里

晏公廟 在南關

觀音堂 在南關外知縣王祚永重修有碑記

鹿泉聖母廟 在縣南十五里長身嶺郵有池冬夏不涸

鵲王廟 在縣南十五里孟壁郵祀扁鵲

五嶽廟 在縣南五十里思賢郵

清源廟 在縣北關

慈濟聖母廟 在縣北一里有池嘗出瑞蓮有碑記又名晉祠廟

鳳凰山神廟 在縣北鳳凰山康熙間知縣王祚永重修山之嶺建風雲雷雨諸神祠迤

平定州志

左有水神廟泉久涸修廟之初泉水忽湧禱雨輒應王祚永有記乾隆二十二年知縣陶鏞重修有記畧曰城北五里許有鳳凰山土人以昔有鳳凰止其上因祀其神為鳳凰山神廟其東則三官殿又東則玉皇閣閣之東為狐公祠狐公者晉大夫狐突也均不知建自何年頗尚修整惟最東顯澤廟聖母廟鶴山神祠西偏風雲

雷雨神廟歲久傾圮俱重修
狐突廟 在鳳凰山詳鳳凰山神廟 喬宇詩晉家爭立釁誰開霸業中衰未可迴諸子為君從患難當時謀國總賢才丹青遺像忠魂在香火空山祀典來自古英雄當死節不須重起後人哀

象山祠 魏地形志樂平有象山祠今無考

岩女泉神祠 魏地形志樂平有岩女泉神祠今無考

趙侯祠 在北城內邑人為明知縣趙評建舊廢

建置 壇廟

呂侯祠 在西門坡路東邑人為明知縣呂維祐建舊廢

附 寺觀

崇教寺 在縣治東北隅宋熙甯二年建明洪武十四年竝壽聖寺入焉置僧會司

佛林寺 在縣東三十里南界都郵

梵乘寺 在縣東三十里北界都郵舊有五色牡丹自生寺內色艷而香後亡其三土人傳三

株俱往 河南云

興盛寺 在縣東五十里靜陽郵

孔公寺 在縣東六十里民安郵

石門寺 在縣東七十里豐稔郵 喬宇詩山為屏障石為門中有招提數畝園霞嶺南通仙

客觀桃居西接里人郵田荒租稅貧能辦殿古林火
修業尚存童叟經過今白首相逢老衲與重論

三聖寺 在縣東七十里阜落郵
乃古觀也元大德年建

福嚴寺 在縣東南三十里黃嚴郵

慈講寺 在縣東南五十里思賢郵今廢

彌陀寺 在縣東南六十里車寺郵

庫城寺 在縣東南七十里庫城鎮

壽聖寺 一在縣西三十里孔家掌一在桃居郵一
在平原郵一在闕莊郵一在北掌城一在

劉莊郵 一在橫山一在北馬坊

交殊寺 在縣西五十里陰山郵

平定州志

建置 壇廟

豐善寺 在縣西八十里鳴水頭郵

興國寺 在縣西百十里理恩鎮

興善寺 在縣西一百一十里彥頭郵

慈雲寺 在縣西南一里元大德間建

石馬寺 在縣西南三十里石馬山又名石佛寺冬
月雲生則雪降乾隆十年邑人趙庚修石

洞一座 石橋一座

石佛寺 在縣南三十里羅莊郵又名壽聖

園林寺 在縣南三十里南野頭
郵張鶴雲有重修碑記

龍安寺 在龍安山

臺泉寺

雙林寺

孫繼魯詩南山臺泉三十里忽逢佳士說
雙林 按縣志臺泉雙林二寺不詳其地

而州境有二寺
疑縣志訛入

重興寺

趙璧寺

名壽聖在
趙璧郵

玉泉寺

石罇有水聲 喬宇詩蘭若泉開錫杖飛
山僧多具木繖衣琮瑋石罇鳴春漏藻繪

珠林炫晝輝空界塵消花品淨陽坡地煖藥
苗肥幽居却愛逃禪意靜日閒吟未肯歸

橫嶺文殊寺

在三峯山下 孫繼魯詩三峯山下
梵王印新建丹甍百尺樓欲效陶翁

來結社虎溪
誰是遠公流

平定州志

建置 壇廟

三五

南塲頭寺

喬宇詩巨嶺羊腸曲曲行千巖空翠濕
衣輕花宮獨占茲山勝苔碣猶傳異代

名

大清觀

在縣東六十里靜
陽郵元至大年建

碧霞觀

在縣東七十
里宋時建

通真觀

在縣東七十里水
峪村今名座花成

慶雲觀

在縣東南七
十里石龕郵

星拱閣

攬勝閣

俱在北關

三義閣

在縣下關

天神閣 在縣下關

臨沾閣 在王家莊南登此則沾城畢見因名焉

文光塔 在縣治東南五里許乾隆三十九年邑人趙慕蘭等建高定有記

平定州志

建置 壇廟

營制 附兵事

兵防之重東有固關北有孟壽州當其中故兵少而員微然固關自隸正定今以孟壽所轄官弁兵額及其分番以次詳焉自漢唐以來為行師衝要其攻守之宜要害之處亦防守者所當知也故以兵事附

州舊志及各縣志弁兵糧餉數多不符茲移孟壽營詳查現額訂定

孟壽營康熙六年設大營原駐孟縣屬太原鎮駐平陽總兵官統轄而平定孟壽陽各營汛皆隸焉康熙四十二年移駐平定州雍正三年孟民呈兵部仍歸舊汛

平定州志

建置 營制

平定營駐平定州同治元年增添兵弁改汛為營以原駐壽陽縣守備帶領壽陽步守兵二十名移駐州城統屬仍隸孟壽營

樂平營駐樂平鄉舊屬太原鎮康熙四十四年改隸孟壽營

員秩

孟壽營遊擊一員中軍守備一員駐壽陽千總一員駐孟縣中社汛把總三員一平定州城守一孟

縣牽牛汎兼城守一孟縣西煙汎雍正七年添設
外委千總二員外委把總一員皆給八品頂帶仍食本身馬糧加給
步戰糧各一分平定州汎千總一孟縣汎千總一壽陽縣
汎把總一乾隆二十七年添設額外外委三員給八
品頂帶仍食平定州汎孟縣汎壽陽縣汎各一乾
隆四十七年於添兵案內添設額外外委四員孟
縣二平定州汎壽陽縣汎各一

同治元年於改汎爲營移壽陽守備駐平定營案
內添設外委把總三員撥防測魚汎柏井驛汎西

平定州志

建置 營制

四

家庄汎各一額外外委三員隸平定營

樂平營原設外委把總一員康熙十三年改把總
雍正七年添設外委把總一員乾隆三十五年撥
外委把總移駐壽陽太安鎮

兵數

孟壽營原額馬兵七十名步兵四百三十名守兵
二百名共馬步守兵七百名自康熙七年至乾隆
四十七年節經裁汰存馬兵六十八名步兵三百
二十八名守兵二百四十名共馬步守兵六百三

十六名乾隆四十七年改設武職養廉裁汰馬步
守各糧七十一分添設馬兵四十五名步兵一百
八十二名現實在伍馬兵一百四名外委千總二
外委把總一
額外外委七
俱在此數內步兵四百五十六名守兵二百三十
二名共馬步守兵七百九十二名自乾隆四十九
年至光緒六年節經裁改現存在伍馬兵六十六
名步兵三百三十三名守兵一百五十三名共馬
步守兵五百五十二名外委千總一外委把總二
額外外委七俱在此數內
本營駐防馬步守兵共一百六十九名中社汛分

平定州志

建置 營制

四三

駐馬步守兵共六十一名西煙汛分駐馬步守兵
共三十二名壽陽汛分駐馬步守兵共一百三十
七名平定營分駐馬步守兵共一百五十三名
平定營自同治元年新添馬兵十九名步兵七十
名守兵一百四十四名共馬步守兵二百三十三
名外委把總三額外外
委三俱在此數內兼轄平定汛舊設馬步守
兵共一百五十三名統計馬步守兵共三百八十
六名

樂平營原額馬兵五名步兵二十六名守兵四十

名共馬步守兵七十一名乾隆四十七年改設武職養廉裁汰步守各糧八分現實在伍馬兵五名外委把總一員在內步兵十九名守兵三十九名共馬步守兵六十三名自乾隆四十九年至光緒六年節經裁改現存在伍馬兵五名步兵十八名守兵二十七名共馬步守兵五十七名外委把總一員在內仍駐太安驛同治元年添設守兵五十名統計馬步守兵共一百名

分汛

建置 營制

平定州志

平定州分汛二十二處 舊關 槐樹舖 固驛

舖 柏木井 八里橋 橋頭邨 石門口 西

郊鎮 礮石邨 南天門 義井鎮 平潭鎮

寨魚鎮 辛興鎮 坡頭邨 測石邨 新店邨

舊各設 柏井驛 舊設兵五名新撥外委把總一員帶領步兵守兵三十名協防

測魚汛 舊設兵三名新撥外委把總一員帶領步兵守兵三十名協防 西家庄

舊設兵三名新撥外委把總一員帶領步兵守兵二十五名協防 桃坡汛 駐兵三名新添

千畝坪汛 駐兵三名新添

孟縣分汛二十三處 清城 牽牛鎮 石舊都

莊頭 仙人邨 白土坡 山北 南管 各設兵三

名八處屬 車輪 忽川口 梁家寨 蕭家會

石堂 宋庄 萇池 上社 張城堡 下社

木口 古石舖 各設兵三名十窟裏 屬西煙汎

辛庄 管頭 二汎新添 未詳所屬

壽陽分汎十五處 張淨 芹泉驛 七嶺舖

黃門所 大樹煙 清平鎮 王強舖 舊志作黃楊舖

西嶺舖 要羅山 宗艾鎮 萇榆河 段王鎮

胡家堰 黃嶺頭 太安驛 各設兵五名

平定州志 建置 營制 四十四

樂平鄉分汎七處 東冶頭 舊志作野頭邨 丁峪口

王德寨 舊志作黃得寨 松子嶺 即南冶頭 舊志作黑松嶺 庫城汎 圪

搭店 鳳居川口 舊志作鳳居邨 各設兵三名

糧餉

孟壽營每馬兵一名歲支餉乾豆草折銀三十二

兩五錢五分豆一石七斗八升八合步兵一名歲

支餉銀一十八兩守兵一名歲支餉銀一十二兩

馬步守兵每一各各歲支米三石六斗共歲支餉

銀一萬四千三百七十七兩二錢米二千八百五

十一石二斗內本色米一千七百九十四石六斗七升二合折色米一千五十六石五

斗二升豆一百八十五石九斗五升二合自節經

八合內外委裁改後現存馬步守兵共五百五十二名千總一

外委把總二額外額外委七每歲額支餉銀一萬八百四十一兩

八錢五分二釐內米折銀一百九十二兩五錢三分八厘豆折銀九十二兩二厘草

折銀二百一十一兩六錢八分米一千九百八十七石豆四百五

十三石六斗

平定營自改汎為營添設弁兵後現存馬步守兵

共三百八十六名內除舊設馬步守兵一百五十

平定州志

建置 營制

三名在孟壽營領支外其新增馬步守兵共二百

三十九名內外委把總三額外額外委三應領月餉銀米均同孟

壽營惟月米統為折價每石折銀九錢每歲增添

額支餉銀四千六百一十七兩六分內米折銀七百七十四兩

三錢六分豆折銀五十六兩七錢草折銀六十三兩

樂平營每馬兵一名歲支餉乾豆草折銀三十一

兩九錢二分豆二石七斗步守兵歲支餉銀及馬

步守兵各歲支米均同孟壽營共歲支餉銀九百

六十九兩六錢米二百二十六石八斗豆十三石

五斗自節經裁改後現存馬步守兵共五十名內

委把總一仍駐太安驛每歲額支餉銀八百五十九兩

四錢四分內草折銀七十兩六錢四分米一百八十石豆三十

七石八斗同治元年增添守兵五十名每歲增添

額支餉銀七百六十二兩內米折銀一百六十二兩

武職舊無養廉各占食馬步守兵各糧有差乾隆

四十七年裁汰各糧改設養廉遊擊養廉銀四百

兩守備養廉銀二百兩千總養廉銀一百二十兩

把總養廉銀九十兩外委養廉銀一十八兩

平定州志

建置

管制

軍器

孟壽營舊額設馬兵盔甲一百四頂副步兵盔甲

六百八十八頂副腰刀七百九十二口烏鎗三百

九十桿金蟒緞旂幟十六堂帳房一百六十四頂

鑼鍋一百六十四口鐵鍬一百六十四張鐵鑊一

百六十四把鐵斧一百六十四把鐵鑿一百六十

四把風匣一百六十四個水袋一百六十四條沙

砲一位百子砲十四位備貯五年出陳易新火藥

一萬九千五百斤備貯三年出陳易新鎗砲鉛彈

六千一百三十斤十一兩官兵自備戰箭一萬二千二百八十枝光緒六年現存馬兵盔甲六十六頂副步兵盔甲四百六十二頂副腰刀五百二十八口鳥鎗三百二十六桿金蟒緞旂幟十二堂帳房一百一十四頂鑼鍋一百一十四口鐵鍬一百一十四張鐵鏟一百一十四把風匣一百一十四個水袋一百一十四條沙砲一位百子砲十四位備存五年出陳易新火藥一萬四千八百五十一斤十四

平定州志

建置 營制

四七

兩備存三年出陳易新鎗砲鉛彈四千六百五十七斤八兩官兵自備戰箭六千七百四十枝

平定營額設金蟒緞旂幟十堂腰刀二百三十九口長鎗五十桿鳥鎗一百桿擡鎗二十桿擡砲十尊鎗砲操用火藥一千六百六十七斤一十三兩五錢鎗砲操用鉛丸五百六十八斤九兩一錢官兵自備戰箭二千七百九十枝

樂平營舊額設馬兵盔甲五頂副步兵盔甲五十八頂副腰刀六十四口鳥鎗二十八桿帳房十四

頂鑼鍋十四口鐵欵十四張鐵鑿十四把鐵斧十
四把鐵鑿十四把風匣十四個水袋十四條百子
砲九位備貯五年出陳易新火藥一千四百斤備
貯三年出陳易新鎗砲鉛彈四百八十四斤五兩
官兵自備戰箭八百七十枝光緒六年現存馬兵
盔甲五頂副步兵盔甲四十三頂副金蟒緞旂幟
四堂帳房十二頂鑼鍋十二口腰刀九十八口長
鎗十五桿鳥鎗五十三桿鐵欵十二張鐵鑿十二
把鐵斧十二把鐵鑿十二把風匣十二個水袋十

平定州志

建置 營制

四六

二條百子砲九位擡鎗五桿備存五年出陳易新
火藥一千四百斤備存三年出陳易新鎗砲鉛彈
四百八十四斤五兩官兵自備戰箭八百七十枝

附 兵事

趙武靈王二十一年攻中山趙與之涇合軍曲陽

按州與井涇聯壤當卽中山地也

按史記趙世家武靈王二

十一年攻中山趙祗爲右軍許鈞爲左軍公子
章爲中軍王竝將之牛翦將車騎趙希竝將胡
代趙與之涇合軍曲陽攻取丹邱華陽鴟之塞
徐廣曰涇者山絕之名常山有井涇中山有苦
涇正義曰涇涇山也在并州涇縣東南十八里
明一統志涇漢之縣名章帝改爲漢昌故城在

正定府無極縣東北二十八里據此陘既非井陘中山為今定州與平定亦無涉志引此誤甚而語亦不備

漢韓信下趙井陘口築城屯兵於此

晉代公猗盧遣子六修為前鋒與衛雄范班箕澹

等救晉并州刺史劉琨猗盧統兵為後繼劉燦懼

焚燒輜重突圍走縱騎追之殺傷甚眾猗盧因大

獵於壽陽山陳閱皮肉山為之盡赤按壽陽山今陽曲縣東山

辨見山下

晉汲桑石勒為苟晞所敗勒奔樂平附張佩芳曰按胡三省通

平定州志

建置

營制

三

鑑注晉志陽平郡有樂平縣前漢東郡之清縣也但石勒欲奔漢則非此樂平也又并州有樂平郡武帝泰始中置唐之遼州也勒奔於此綱目質實樂平故城在東昌府堂邑縣東南三十里後趙汲桑石勒與晉苟晞戰於平原陽平間為晞所敗桑奔馬牧勒奔樂平即此二說頗異竊以平原陽平馬牧皆在今東昌府則樂平當亦不遠及勒往從胡部大張矧督馮莫突等於上黨與俱歸漢時烏桓張伏利度有眾二千壁於樂平則今平定州之樂平矣使勒敗後即遠奔於此當先結伏利度而後歸漢不當於歸漢後又偽得罪而往奔伏利度也宜以綱目質實為是又說見職官封爵條

石勒攻樂平太守韓據請救於并州刺史劉琨琨

新得代公猗盧眾三萬人馬牛羊十萬欲因其銳

以威勒箕澹諫曰此雖晉人久在荒裔未習恩信

難以法御今內收餘穀外抄牛羊且閉關守險務
農息士既服化感義然後用之則功可立也琨不
從悉發其衆命澹領步騎二萬爲前驅琨自爲後
繼勒先據險要設伏以擊澹大敗之一軍皆沒并
土震駭

劉琨遣樂平太守焦球攻石勒常山斬其太守邢
泰

石勒攻樂平太守韓據於沾城劉琨遣將軍箕澹
率衆十餘萬討勒琨次廣牧爲韓聲援勒將拒之

平定州志

建置 營制

五十

或諫曰澹兵精盛其鋒不可當宜深溝高壘以挫
其銳攻守勢異必獲萬全勒曰澹大衆遠來體疲
力竭號令不齊可一戰而擒之何強之有寇已垂
至胡可舍去大軍一動豈易中還若澹乘我之退
顧乃無暇焉得深溝高壘乎此爲不戰而自滅亡
之道立斬諫者以孔萇爲前軍都督令三軍後出
者斬設疑兵於山上分爲二伏勒輕騎與澹戰僞
收衆而北澹縱兵追之勒前後伏發夾擊澹軍大
敗獲鎧馬萬匹澹奔代郡據奔劉琨琨長史李引

以并州降勒琨遂奔於段匹磾

後魏泰常二年十一月司徒長孫嵩等自畔城還至樂平詔嵩遣娥清周幾等與叔孫建討西山丁零翟蜀洛支等悉滅餘黨而還高宗時丁零數千家寇竊并定都昌侯陸真與并州刺史乞伏成龍自樂平東入與定州刺史許崇之並力討賊太安二年正月丁零數千家亡匿井陘山詔定州刺史許崇之并州刺史乞伏成龍討平之

按州東爲井陘界今舊關以東縣延一山當卽

平定州志

建置

營制

五

丁零亡匿處也

按漢地志常山石邑縣井陘山在其西石邑今獲鹿縣自獲鹿

以西皆井陘山也志以故關東山爲井陘山誤甚

永安二年十二月紇豆陵步蕃大破爾朱兆於秀

容南逼晉陽兆懼使人召高歡並力歡往往逗留

步蕃兵日盛兆時避步蕃南出步蕃至平樂郡歡

與兆進兵合擊大破之

胡三省注平樂郡據爾朱兆傳當作樂平郡後漢獻

帝分太原置樂

平郡治沾城

趙郡李愨孝昌末潛居林慮山葛榮之亂除奉車

都尉持節鎮汴河并相二州交境以榮南逼故用

愍鎮之永安未遷樂平太守未之郡洛京傾覆愍
率所部退保石門山

按山在州境東南三十里或即其地與按地名石門者

非一今州東石門口乃郵名地志皆無載則知石門山決非此處

後周建德六年壽陽劉叔仁作亂上儀同三司楊
文思嘗從拔晉州命從清河公宇文神舉討之戰
於傅井在陣生擒叔仁又別從王誼破賊於鯉魚
柵十二月己未東壽陽土人反率眾五千襲并州
城刺史東平公宇文神舉討平之

平定州志

建置 營制

至二

唐至德二載史思明與蔡希德高秀巖合兵攻太
原時李光弼使部將張奉璋以兵守固關思明攻
陷之奉璋走樂平思明取攻具山東奉璋匿土廣
陽改服給為賊使者責其後期斬數人引眾得還
太原

長慶初河朔之亂裴晉公駐兵承天軍貞元間度
受命數斬將以聞

光化二年朱全忠遣葛從周攻破承天軍葛從周舊作氏
叔瑑按通鑑唐昭宗二年葛從周自邢州將精騎
八百入魏州劉仁恭攻上水關館陶門從周與宣

義牙將賀德倫出戰擒其將薛突厥王鄧郎明日
汴魏合兵擊仁恭破其八寨從周乘破幽州之勢
自土門攻河東拔承天軍別將氏叔琮自馬嶺拔
遼州樂平進軍榆次李克用遣內牙軍副周德威
擊之是拔承天軍乃葛
從周非氏叔琮也舊誤

天復元年三月癸卯朱全忠遣氏叔琮等將兵五
萬攻李克用入自太行王子叔琮拔澤州進趨晉
陽別將白奉國會成德兵自井陘入夏四月己未
拔承天軍與叔琮烽火相應

梁開平五年趙王王鎔會晉王李存勗於承天軍
舊作光化七年會趙王鎔於承天軍接唐昭宗光
化四年即改元天復安得有光化七年又五代史

平定州志

建置

營制

五三

梁開平四年冬以王景仁為北面行營招討使趙
王王鎔懼乞兵於晉晉人擊敗王景仁於柏鄉鎔
德晉甚明年會莊宗於承天軍奉觴
為壽是鎔會存勗於承天軍也舊誤

梁均王貞明元年六月劉鄩以晉兵盡在魏州晉
陽必虛欲以奇計襲之乃潛引兵自黃澤西去會
陰雨積旬黃澤道險董泥深尺餘士卒援籐葛而
進墜崖谷死者什二三鄩至樂平糧糗且盡周德
威聞鄩西上自幽州引千騎救晉陽至土門鄩已
整眾下山自邢州陳宋口踰漳水而東鄩軍往還
馬死殆半

五代晉開運元年二月詔劉知遠將部兵自土門出恒州擊契丹知遠引兵屯樂平不進
五代漢天福十二年甲戌帝自將東迎晉主及太后至壽陽聞已過恒州數日乃留兵戍承天軍而還
帝之自壽陽還也留兵千人戍承天軍戍兵聞契丹北還不爲備契丹襲擊之戍兵驚潰契丹焚其市邑一日狼煙百餘舉帝曰此將遁張虛勢也遣親將葉仁魯將步騎二千赴之會契丹出剽掠仁魯乘虛大破之丁丑復取承天軍

平定州志

建置 營制

五十四

周顯德元年都部署符彥卿駐忻口又下孟縣北漢開寶元年十月遼州監押馬繼恩入并州燔肆十餘砦郭進破壽陽得民九千

宋乾德元年北漢天會八年也八月宋邢州王全斌攻樂平拱衛指揮使王超散指揮使元威侯霸榮率所部千八百人降之侍衛都指揮使蔚進馬軍都指揮使郝貴超與契丹悉兵往救三戰皆敗績樂平遂陷宋改樂平爲平晉軍以降卒爲效順軍賜以錢帛由是靜陽十八砦相率降宋九月北

漢以契丹兵攻平晉軍宋洛州防禦使充西山巡檢郭進將兵來擊契丹遂引歸

靜陽
乾德四年二月安國節度使羅彥瓌等敗北漢於

按水經注東逕靜陽亭南故關城靜陽亭在州北十里桃水經其南是也

乾德初初克遼州河東召契丹六萬騎東攻平晉左神武將軍曹彬與李繼勳等大敗之於城下乾

德三年北漢天會十年也正月節度使羅彥瓌敗

平定州志

建置

營制

五

北漢兵於靜陽執守將鹿英以歸

太平興國四年四月庚戌孟縣降壬戌帝乃發鎮州

開寶九年十月庚子鎮州巡檢郭進焚壽陽縣俘九千人

靖康元年二月黏罕南陷隆德三月詔种師道及姚古种師中往援三鎮師中進兵逼金人金人出境黏罕之師至太原太原亦堅壁固守金人之兵圍之姚古進師復隆德威勝扼南北關累出兵有

勝負而不能解圍於是詔師中由井陘道與古相
犄角師中進次平定軍復壽陽榆次諸縣
靖康中金兵圍盂縣踰年主簿攝縣事祝公明率
保甲入城堅守城陷死之

金銀朮可圍太原宋統制劉臻救太原率衆十萬
出壽陽叟室擊破之繼敗宋兵數千於榆次後蒲
察降壽陽

天會四年十月蒲察克平定軍及樂平 十一月

宗翰自太原趨汴宗望自正定趨汴宗翰聞宗望

平定州志

建置 營制

五十六

軍已圍汴遣石家奴計事抵平定軍遇敵兵數萬
敗之

貞祐四年十二月元兵進自代州神仙橫城及平
定承天鎮諸隘攻太原

貞祐時完顏琢寓軍平定石仁寨權平定州刺史
范鐸以闕德用充本州提控興定二年德用率所
部掩襲殺琢及官屬程桂等百餘人據石仁寨鐸
奔太原闕德用遂據平定州三年四月戊午平定
州賊闕德用之黨闕顯殺德用以其衆降四年封

武仙爲恒山王以平定州抱犢寨屬焉
元辛巳三月金兵攻壽陽縣王胡莊垂破時太原
城中卒不滿百都元帥哈喇拔都夜半引甲騎十
餘人救之道三交見金兵舉烽東西兩山哈喇拔
都趨之大戰天將明金兵遁去擣太原之虛由西
門俘獲哈喇拔都家屬哈喇拔都聞之徑趨西山
復奪以還

至正十八年九月壬戌平定州陷

壬午秋七月木華黎由雲中攻下孟州四蹄寨遷

平定州志

建置 營制

五十七

其民於州拔晉陽義和寨癸未太原諸邑皆平惟
石家昂及孟州陵井寨忻州清泉寨爲唇齒皆未
下甲申六月將兵至陵井遣卒叩寨門詐曰納糧
芻守者弗悟門啟徑入蹂踐之衆潰其酋長走石
家昂遂平陵井寨乙酉二月清泉寨酋長王毅降
石家昂亦降

至正二十七年十月甲辰朔貊高以兵入山西定
孟州忻州下崞州

明正德九年俺答南下蹂盂之方山等邨至黃嶺

界而還

嘉靖二十年八月蒙古大人屠壽陽丁口數萬時有白鳥隨之人異焉

崇正二年流寇混世王一斗穀等掠至壽陽萇榆諸邨六年掠至古城等邨巡撫吳牲遣副總兵曹文詔掩擊大敗之

崇正五年流賊犯平定境州人出捕被殺於龜石溝六年賊燬民房逃亡者八千餘戶正月臨洮總兵曹文詔敗賊于孟縣追及於壽陽巡撫許鼎臣遣

平定州志

建置 營制

五六

謀士張宰先大軍嘗賊賊驚潰六月文詔追擊之斬混世王於碧霞邨餘黨爲猛如虎逐走遇文詔兵方山復敗又與陳國威馬杰破來遠寨從文詔大破賊范邨國威以步卒三百夜擊賊紅山嶺如虎杰及虎大威和應詔擊殺九條龍

十六年冬十二月七日判將白光木率衆由黃嶺抵壽陽之宗艾鎮次日官兵追之未及鎮二里許至農家坪爲賊伏兵所敗死者枕藉次日復追至縣南賈卜坪大戰官兵復敗掠去婦女牲畜無算

十八年二月平定州城陷流賊由西來僞總兵焦駐兵一日東行五月初七日李自成自燕京敗歸州人閉門不納僞將陳尚智劈東門入盤踞數日而去見榆關野志

國朝順治四年九月孟縣賊李化龍攻縣城俄見小坪嶺旗颺賊輟攻迎敵敗遁詢之乃冀甯道王鏞參將李好賢援勦也

六年五月姜瓖據大同叛遠近騷動孟民叛壽陽北境民從焉蟻聚至數千人將畧城知縣高象樞

平定州志

建置 營制

五十九

請鎮兵至迎擊於縣北十五里殺馬溝之封侯嶺賊洶懼自潰官兵追殺無數

咸豐三年秋粵匪竄入晉疆攻破平陽洪洞一帶由南路直窺直隸臨洛關

欽差大臣勝保由平陽前赴正定截擊弁調後路官兵星馳繼進於九月初四日率所部行抵平定州牧王繼蘭竭力供應信宿拔營前進

咸豐十年夷人滋抗

畿輔直隸大兵雲集本省

撫憲英公桂帶兵一千

餘名勤王於九月二十一日經過平定嗣因

欽差大臣勝保知會現今法英二國已換和約夷兵全退

天津北路情形安定所有貴部院原統之兵應撤回歸伍以節軍餉

咸豐十年陝豫間逆氛不靖又值夷船逼近

畿疆

京師戒嚴直隸通省到處團防平定乃三晉之東藩與直省接壤諸隘口均屬要地 撫憲札飭州牧

董彙芳舉辦團防乃邀集州紳蔡久新等十餘人

平定州志

建置

營制

六十一

董其事捐資費備器械募勇三百名設立團局

撫憲又派臬司鍾與總兵王案臨操閱分派防守

隘口又樂平東南界與直隸邢臺贊皇相接山勢

險峻匪徒蟠踞其中皆以二字爲號晝散夜聚肆

行劫掠附近村庄被害已久時值北鎮防堵兵至

又有直隸制軍行知兩省合勦公文州紳因率團

勇助行緝捕頗爲出力二字黨匪亦聞風逃散當

直省馬賊滋擾而蔓延不及平定者皆州中團防

之力也事定後 撫憲嘉其有效 奏請

賞給團長蔡久新四品銜其出力諸紳皆分別獎勵
同治元年

欽差大臣勝保由關西解兵入京荊州將軍多接辦勝
軍檄飭前勝營宋景詩前赴三原助勦該參將心
懷疑慮中途改變帶領馬勇一千餘名擅自過河
入晉東馳沿途騷擾百姓聞風逃亡知州董探知
情形會同遊擊王嚴加防範不令入城導由州北
僻路東行宋見山勢險峻防守周密不敢騷動逾
故關而東轉掠山東界

平定州志

建置 營制

六十一

同治七年二月十八日太子少保陝甘閣爵督部
堂左公宗棠西來統帶馬步全軍十五營前赴直
隸督勦馬賊於十八日午刻到州隊伍整肅秋毫無
犯於關外教場安營造飯不入公館次日擺隊
而行宿栢井驛於二十日拔營前進

同治七年十二月湖南提督軍門宋清東來統帶
毅軍馬步十六營前赴歸綏一帶防堵於二十七
日抵州城關駐宿度歲軍律嚴明百姓安謐於八
年正月初二日拔營前進

同治九年八月太子太保湖廣閩粵督部堂李公鴻章西來統帶馬隊親軍十五營由陝前赴

畿疆軍行整肅於初二日抵州住宿次日拔營前進光緒六年七月太子少保本省 爵撫憲曾公國荃統帶多福多祿多壽三營前赴山海關駐防所需車輛騾馬皆自值雇辦絲毫不累官民按站陸續前進所過士民跪接頌聲載道

驛舖

凡五驛一站四十三舖然舊傳甘桃屬遼州之和順縣後乃隸州是平定舊止四驛耳漢五里一置傳送文書所止處謂之郵亭今之步遞如漢之置而馬遞則遠甚又山路崎嶇差符旁午視他郡尤為衝要故官此頗不易焉

州

驛站

平潭驛舊在州西二十里平潭鎮故名後移置下

平定州志

建置

驛舖

卷三

城西關今馬王廟西其遺址也

國朝移置上城榆關門外

里

東接樂平縣柏井驛五十里西接盂縣芹泉驛五十

在驛馬七十七匹馬夫三十九名半

額設馬七十九匹

原額九十四匹見賦役全書舊志云雍正年間奉文變賣十

一匹查

無案據馬夫三十九名半雍正十一年于奏請

添設腰站等事案內撥減協濟壽陽縣馬九匹

馬夫四名半乾隆十年于詳請站馬就近責成

管理等事案內撥減協濟河曲縣馬十四匹馬夫

五名乾隆三十四年于奏請等事案內撥減協濟趙城縣馬三匹馬夫一名半乾隆二十五年于驛站等事案內撥增繁峙縣協濟馬二匹馬夫一名乾隆二十九年于飭知事案內撤回河曲縣馬二匹馬夫一名又撥增懷仁縣協濟馬九匹馬夫四名半今奏銷案係永寧州山陰縣協濟馬五匹馬夫二名半保德州協濟馬二匹馬夫一名計老號馬五十九匹馬夫二十九名半協濟馬十八匹馬夫九名

平定州志

建置 驛舖

六十四

實支馬夫工料銀三千九十二兩五錢八分九釐

閏年多支銀二百五十六兩六錢四分

老號馬五十九匹

每匹日支草料銀六分棚廠槽鏹銀三分七釐三毫馬

夫二十九名半

每名日支工食銀三分五釐

共歲支銀二千

四百三十八兩三錢五分二釐

閏年多支銀二百三兩一錢九

分六釐繁峙縣懷仁縣協濟馬十一匹

每匹日支草料銀六分

分棚廠槽鏹銀三分八毫

馬夫五名半

每名日支工食銀三分

山陰縣

協濟馬五匹

每匹日支草料銀六分棚廠槽鏹銀二分四釐四毫

馬夫二

名半

每名日支工食銀三分

保德州協濟馬二匹

每匹日支草料

銀六分棚廠槽鏹銀一馬夫一名日支工食共

分六釐六絲六忽有奇歲支銀六百五十四兩二錢三分七釐閏年多

十三兩四錢四分四釐

廠夫九十名每名日支工食銀二歲支工食銀八

百九十五兩二錢二分一釐閏年多支銀七十

釐

官支銀一百七十兩往來給有勘合官員廩給跟

在此銀內支銷餘剩扣解

草場一區

平定州志

建置 驛舖

六五

本驛向無官舍來往官員假西關旅店俾憩息焉

舊有遞運所一處在下城東關長樂坊明洪武初

建久廢

甘桃驛在州東九十里雍正十年新設東接直隸

山驛四十里西接樂平縣栢井驛四十里

驛丞一員乾隆二十九年奉文兼巡檢事署在驛西道光

九年裁缺

在驛馬八十五匹馬夫四十二名半

額設馬六十匹馬夫三十名雍正十一年于奏

請添設腰站等事案內撥減協濟壽陽縣馬十二匹馬夫六名乾隆三十四年干奏請等事案內撥減協濟趙城縣馬五匹馬夫二名半乾隆二十五年于驛站等事案內撥增長子縣協濟馬一匹馬夫半名屯留縣協濟馬一匹馬夫半名沁州協濟馬一匹馬夫半名鳳臺縣協濟馬一匹馬夫半名高平縣協濟馬二匹馬夫一名神池縣協濟馬八匹馬夫四名平型站協濟馬三匹馬夫一名半乾隆二十八年于節知事案

平定州志

建置 驛鋪

六六

內撥增大同縣協濟馬十三匹馬夫六名半天城站協濟馬十二匹馬夫六名計老號馬四十三匹馬夫二十一各半協濟馬四十二匹馬夫二十一各

實支夫馬工料銀三千三百一十兩二錢二分九

釐閏年多支銀二百七十

老號馬四十三匹每匹日支草料銀六分棚馬

夫二十一各半每名日支工食共歲支銀一千

七百七十七兩一錢四釐閏年多支銀一百四

長子屯留沁鳳臺高平各州縣協濟馬六匹每匹

日支草料銀六分八毫馬夫三名每名日支工食銀三分神

池縣協濟馬八匹每匹日支草料銀六分八毫廠

槽銀一分六釐六絲六忽有馬夫四名每名日支工食銀三分平型站協濟馬三匹

每匹日支草料銀六分八毫廠槽每匹日支草料銀六分八毫馬夫一名半每名

日支工食銀三分大同縣天城站協濟馬二十五匹每匹

日支草料銀六分八毫馬夫十二名半每名日支工食銀三分

釐五共歲支銀一千五百三十三兩一錢二分

五釐閏年多支銀一百二十兩二錢四分一釐

平定州志

建置 驛鋪

六七

平潭甘桃二驛原額馬匹草料馬夫工食並廠夫

工食官支在地丁銀內存留支給不敷銀在冀寧

道請領見賦役條其撥減協濟壽陽河曲趙城各縣

夫馬工料銀照數扣解布政司給各縣具領俱滿

數支銷每年扣除小建五日閏年銀數並解冀寧

道其撥增各州縣協濟夫馬工料扣除小建在布

政司請領遇有閏之年多支老號夫馬工料並廠

夫工食銀在地丁銀內加存並冀寧道加領撥減

應解者照數扣解撥增應領者亦照數加領閏月

不支棚廠槽鋤其銀亦扣解冀寧道每年每馬十匹准倒斃二匹在冀寧道請領馬價每馬一匹每領銀八兩每倒馬一匹解皮贖銀五錢
甘桃驛去井陘縣之核桃園十里而近使車皆息驂于彼故驛不設館

鋪遞

州境鋪遞十五處共鋪兵四十七名

在城鋪四鋪兵

東路自在城鋪八里至鳳居口鋪一鋪兵又八里至

平定州志

建置 驛鋪

六

五里鋪二鋪兵又十里至楊家灣鋪三鋪兵又十里至

小橋鋪三鋪兵又十二里至石川會鋪三鋪兵又十五

里至樂平鄉之五里鋪出境

南路自在城鋪十五里至東鎖簧鋪鋪兵三名又

舊志闕

三十里至樂平鄉之風火嶺

西路自在城鋪十里至腰鋪溝鋪四鋪兵又十里至

沙巷口鋪四鋪兵又十里至石卜嘴鋪四鋪兵又十里

至淺水淤鋪四鋪兵又十里至安鋪四鋪兵又十里至

舊街鋪四鋪兵又十里至壽陽縣之五里灣鋪出境

王志以土語不可解遂易鳳居為鳳渠易石川會為石泉會易石卜嘴為石北指陶志因之不知土名相沿已久方言音各不同固不必求其解且以南音改北語土人聽之茫然矣况竝南音亦不合而北指仍不可解乎

北路自在城舖由西路之腰舖溝十二里至桃坡

舖舖兵二名又二十里至千畝坪舖舖兵二名又二十

五里至孟縣之牽牛舖出境雍正二年割孟縣屬州因設

樂平鄉

驛站

栢井驛在鄉北七十里地屬州境東回都州東接本州甘桃

平定州志

驛四十里西接本州平潭驛五十里

建置 驛舖

六九

驛丞一員乾隆二十九年奉文兼巡檢事署在栢井鎮街

原設驛馬七十四匹馬夫三十七名

現馬七十七匹馬夫三十八名半

據縣志額設馬九十一匹馬夫四十五名半舊志

本驛額設馬驪七十四頭馬夫三十五名康熙和順協濟馬驪二十一匹頭馬夫十名半

四十五年撥協尚家莊馬十一匹馬夫五名半

康熙五十二年撥協馬邑縣馬十匹馬夫五名

雍正十一年撥協壽陽縣馬九匹馬夫四名半

按此即添設腰
站案內所撥
乾隆二十年撥協懷仁縣馬四

匹馬夫二名撥協長生口馬五匹馬夫二名半

乾隆二十一年撥協五寨縣馬五匹馬夫二名

半乾隆二十五年撤回懷仁縣長生口及五寨

縣馬三匹馬夫一名半又撥來繁峙縣馬三匹

馬夫一名半今查現額止有撥減協濟壽陽縣

馬九匹馬夫四名半馬邑縣馬五匹馬夫二名

半又乾隆三十四年于奏請等事案內撥減協

濟趙城縣馬三匹馬夫一名半嗣於沙澗驛撥

平定州志

建置 驛鋪

七十

協本驛馬三匹馬夫一名半得現存數

實支夫馬工料銀三千五十八兩二錢七分二釐

閏年多支銀二百五十四兩八錢五分六厘
嗣添夫馬銀兩總數詳列分註不在此數內

本號馬七十四匹嗣添三匹共馬七十七匹每

日支草料銀六分嗣添馬亦同棚廠槽欄
銀三分七厘三毫嗣添馬減七厘加五毫

馬夫三十七名嗣添一名半共夫三十八名半

每名日支工食銀三分
五厘嗣添夫減五厘
共歲支銀三千五十八

兩二錢七分二釐
閏年多支銀二百五十四兩
八錢五分六厘嗣添夫馬共

歲支各項等銀一百一十二兩
三錢五分九厘六毫不在此數內

廠夫九十名每名日支工食銀三分七厘六毫有奇歲支工食銀八

百九十四兩四錢二分四釐閏年多支銀七十

厘四兩五錢三分五

官支一百七十兩與州同

支銷領解章程俱與州同並見賦役支解條

舊有

行宮一所今廢即作驛丞署

驛丞署東芳畝莊窩一處二畝芳畝土俗字空地也義取四方八面

讀如大街舖一所大街北舖四間大寨地十畝小

平定州志

建置

驛舖

七十一

寨地五畝甘桃驛地三畝槐樹舖地三畝

馬王廟三間戲樓一座馬草場一處外有芳畝五

道廟接官亭一處張莊接官亭一處

驛館僦用民居

附乾隆四十八年知州瑞亨議不便裁撤甘桃驛

以栢井驛歸州詳文山西平定州為檄飭核議

事乾隆四十八年九月二十四日蒙前布政使司

汪前署按察使司虔憲牌本年九月二十一日蒙

巡撫部院農批本司等會稟竊查樂平一邑僻處
萬山之中經管栢井驛站係借設平定州境計離
縣治七十里凡驛中所需草料豆悉由縣辦送
一帶山路崎嶇若逢雨雪常有阻滯每逢緊要大
差驛中額馬不敷必須民間雇備牲口添用因驛
設州境非其所管誠有呼應不靈之勢屢形竭蹶

曾經前藩司黃檢奏請將柏井驛改歸平定州管
理奉大部議以該州已管兩驛勢難兼顧不便更
張等因在案茲本司等會查得柏井一驛間於平
定州所轄之平潭甘桃兩驛之中由州城平潭驛
至柏井驛五十里由柏井驛至甘桃驛四十里由
甘桃驛至直隸井陘驛四十里站本大短若將甘
桃一驛裁撤以柏井驛歸州祇將柏井驛移出十
里揀擇附近驛路邨旁安設計其程途由平潭驛
至柏井驛僅止六十里由柏井驛至直隸井陘縣
亦止七十里凡差使來往及傳遞文報路既不遠
差可無誤其甘桃驛原設馬六十匹擬以三十四
分撥平潭柏井二驛添供緊急文報差使之用其
一半馬匹赴草工料儘可議裁如此稍為裁併變
通則平定州仍係兩驛並未加增驛歸州轄易于
辦理而樂平亦免借地安驛之累且於驛站錢糧
事歸搏節均屬有減無增本司等為因時調劑起
見非敢率議更張倘蒙恩准另行酌議移改裁併
各事宜繪圖詳請核奏是否有當理合會稟伏乞

建置

驛舖

平定州志

訓示祇遵蒙批據稟將甘桃驛裁撤以柏井驛併
歸平定州管理自屬因時調劑之法但裁併之後
核州差務是否不致有誤自應確訪情形斟酌辦
理幸勿輕議更張以致顧此失彼也仰即檄調該
州瑞牧至省詳加諮詢確核妥議稟覆慎勿草率
此繳蒙此合行檄飭為後該州官吏查照院批事
理速將驛站裁併之後該州差務是否不致有誤
詳加確核妥議詳司以憑酌辦慎勿遲延草率毋
違等因蒙此遵查樂平一邑僻處山陬經管柏井
驛寄設州境經前藩憲黃奏請將柏井驛改歸卑
州管理奉部議駁嗣奉藩憲飭查樂平縣可否裁
汰經卑職查明該縣界至里數分晰繪圖詳覆在
案茲議裁撤甘桃驛以樂平縣之柏井驛歸併卑
州仰見因時調劑籌畫精詳卑州敢不凜遵照議
以副斟酌體恤之至意惟是程途遠近與馬匹裁
減實有未便之處謹就管窺所及條例于後一山
徑與平坦不能畫一也查平潭驛至柏井驛五十
里柏井驛至甘桃驛四十里甘桃驛至直隸井陘

縣四十里今裁撤甘桃驛以柏井驛東移十里計其程途平潭驛至柏井驛六十里柏井驛至井陘縣七十里通省核較似不甚遠惟查晉省東西驛路自卑州之甘桃驛至壽陽縣之太安驛均係山路驛站相距皆四五十里不等太安驛迤西路俱平坦驛站相距皆六七十里七八十里不等自靈石縣之瑞石驛至趙城縣之趙城驛又係山路驛站相距亦四五十里不等推原設驛之始蓋以道路平坦則易於馳驟故驛路加長山路崎嶇則馳驟不易故驛路稍近也卑州至井陘縣陸步皆山較之卑州至壽陽縣之太安驛路更崎嶇以現設平潭柏井甘桃三驛之路程勻為二驛是以崎嶇之山路與平坦道路相等將來馬力不勝差使文報均恐竭蹶矣一甘桃驛與直省井陘縣毗連難以裁撤也查甘桃驛為晉東首站井陘縣為直西首站相距雖止四十里而中間核桃園一帶路盡崎嶇若甘桃驛裁撤以柏井驛東移十里則井陘縣與柏井驛相距七十里井陘縣應付差使馳遞

平定州志

建置 驛舖

七

文報較原設里數遠至三十里井陘縣馬力竭蹶直省必不能保無他議矣一裁驛減馬遇有大差辦理周章也查卑州及所屬三縣共設六驛所管地方民間向無車輛喂養驛馬亦屬寥寥向來遇有需用車馬過多之差除各棚不敷稟請協濟外其餘用馬較多之差甘桃與柏井平潭三驛合棚芹泉與壽陽太安三驛合棚連站供應需馬稍多之差甘桃與柏井合棚平潭與芹泉合棚壽陽與太安合棚連站供應此東六驛無處雇備車馬一切差使必須驛馬籌酌應付之實在情形也甘桃驛原額及撥協共馬八十五匹今以原額馬三十匹留撥平潭柏井二驛餘馬議裁是平潭柏井二驛各雖添撥馬匹實則裁減馬五十五匹以無可雇備車馬之區再為裁減驛馬將來一遇大差必致不敷供應且以五驛合棚辦理亦多未便矣以上各條均係驛站實在情形卑職因裁併之後文報差務恐致有誤故臚列實陳其柏井甘桃二驛似應仍循其舊以重郵務是否有當理合詳候憲

臺察核辦理爲此備由具申
伏乞照詳施行須至申者

鋪遞

鄉境鋪遞七處鋪兵二十一名

在城鋪鋪兵四名

東路自在城鋪五里至五里鋪鋪兵三名又十里至火

龍岡鋪鋪兵三名又十里至大灣鋪鋪兵三名又十五里至

舊關鋪鋪兵三名又十里至井陘縣之界侯鋪出境

南路自在城鋪二十里至杜莊鋪鋪兵一名又三十五

里至和順之里陽鋪出境

平定州志

建置

驛鋪

七十四

西路未設鋪

北路自在城鋪十里至風火嶺鋪鋪兵四名又三十里

至本州之東鎖簧鋪出境



